

欽定周官義疏卷第七

天官冢宰第一之七

內宰掌書版圖之灋以治王內之政令。

正義

鄭氏康成曰。版。謂宮中閤寺之屬。及其子弟錄籍

也。賈疏。并宮中官之子弟。皆屬內宰。書之於版。圖。王

案注。但言閤寺而已。疏特言兼諸官以補足之。

及后世子之宮中吏官府之形象也。政令。謂施閤寺者。

賈疏。內小臣及

內豎亦施之。

劉氏彝曰。宮內百職之名氏。皆載於

版。宮寢內外之廬舍。皆畫於圖。易氏祓曰。王內。乃王

之北宮。

辨正黃氏度曰。下文均稍食。分人民皆爲政令。政令不
施於閹寺。注疏說猶未備。

案在版之奄奚。其執事有常。在圖之宮寢。其居處有列。
所謂版圖之法也。王之後宮。非外臣所得入也。故必繪
其圖。然後可以分人民之所居。小宰曰王宮。則已兼后
宮。內宰則端治后宮與三夫人以下之六宮。凡宮正宮
伯所掌者。王宮之羣吏士庶子。或布周廬。或次宮內。不

與嬪婦相接者也。內宰所治奄奚之屬。與嬪婦時接者也。小宰兼掌之。故統之曰王宮。內宰分掌之。故別之曰王內。

均其稍食。分其人民以居之。

稍所孝反

正義 王氏昭禹曰。人其貴者。民其賤者。

毛氏應龍曰。

人民者。閹寺奄奚工賈府史胥徒之類。鄭氏康成曰。

人民吏子弟。

案 人民則女酒女漿奚之屬。凡稱女宮者亦存焉。

通論 鄭氏鏗曰。宮正宮伯所均所授者王之宮。此所均所分者王之北宮也。

存疑 王氏應電曰。后宮外不可直接宿衛周廬。故列女宮於旁。分部其居。而後總以周垣閤寺守之。其外乃爲官府次舍。

以陰禮教六宮

正義 鄭氏衆曰。陰禮婦人之禮。六宮。後五前一。鄭氏康成曰。六宮。謂后也。不敢斥言。謂之六宮。若今皇后爲

中宮矣。婦人稱寢曰宮。宮，隱蔽之義。鄭氏錡曰：不曰寢而曰宮者，寢之義。

為燕息。非婦人所宜言。后象王立六宮而居之。亦正寢一，燕寢五。

賈疏：天子有六寢，宮人所掌者是也。后象王立六宮，亦前一後五。在王六寢之後為之，南北相當。鄭

氏錡曰：后正宮一，以聽內治。燕宮五，以宴息。

以陰禮教九嬪。

正義 鄭氏康成曰：不言教夫人世婦者，舉中省文。劉

氏曰：九嬪之下，二十七世婦屬焉。陰禮與后同，而別教之者，兼有事王后及夫人之禮也。

案三夫人分掌六宮。曰教六宮。則后夫人兼之矣。二十七世婦分屬九嬪。曰教九嬪。則世婦視此矣。於教后稱六宮。尊后也。於教九嬪。復舉陰禮。示不敢儕於后也。內官不列三夫人。而漿人掌夫人致飲於賓客之禮。則知次於后而居九嬪之上者有夫人矣。猶師氏保氏不言教太子。而諸子職。國有大事帥國子而致於太子。惟所用之。則知師氏保氏所教國子。乃與太子共學者。而太子亦在其中。

以婦職之灋教九御使各有屬以作二事。

注故書二

爲三杜子春云當爲二



鄭氏康成曰婦職謂織紵組紃縫線之事九御女

御也九九而徇於王因號焉使之九九爲屬同時御

又同事也杜氏子春曰二事絲枲之事王氏安石

曰婦職之灋所以事王及后共祭祀賓客之職灋王

氏昭禹曰使各有屬屬於九嬪也位尊則宜以德率人

九嬪而上教以婦禮所以成其德也位卑則宜以事事

人九御之屬。教以婦職。所以作其事也。太宰以絲枲車職任嬪婦。內宰以絲枲之事作九御。蓋九御勤於絲之事。則天下無不蠶者矣。勤於枲之事。則天下無不績者矣。黃氏度曰。九嬪掌婦學之法。以教九御婦德。婦言。婦容。婦功。婦功。卽婦職作二事者也。此特言一事。著女御之職也。世婦以上無絲枲功事。

正其服。禁其奇袤。展其功緒。

袤似嗟反。本亦作邪。

正義 鄭氏康成曰。正其服。止踰侈奇袤。若今媚道。

賈疏。正其

服者。女御祿衣是正。不得踰侈。服展衣以上也。媚道。謂道妖。褻巫蠱。以自衛媚。漢書。孝文時。婦人蠱惑媚道。更相呪詛。作木偶人。埋之於地。展猶錄也。緒業也。王氏漢法。宮禁有云。敢行媚道者。展猶錄也。緒業也。昭禹曰。展。省之也。省其絲枲之功緒也。

園內宰所掌無刑者。王之嬪御。惟宜教以禮。作其事。可

罰。可黜而不可刑。嬪婦有過失。小則苛罰。大則黜遠。佐后以治之者。則女史及春官世婦。女

史職所謂內政。宮卿職所謂苛罰是也。小宰宮刑之建。則以正庵寺女奚。

及司厲所入女奴。所居之人民耳。

大祭祀。后裸獻則贊。瑤爵亦如之。

正義

鄭氏康成曰。謂祭宗廟。

賈疏。天地山川社稷等外神。后夫人不與。故知大祭

祀據宗廟而言。

王裸。后從裸。祭統。君執圭瓚裸尸。大宗執璋瓚

亞裸。大宗亞裸。謂夫人不與而攝耳。瑶爵。后爵以瑶為

飾。賈疏。四時與禘祫六享。皆有裸獻瑶爵之事。

行疑

鄭氏康成曰。獻謂王薦腥薦熟。后亦從後獻也。尸

卒食。王既醕尸。后亞獻以瑶爵。

賈疏。薦腥薦熟。是堂上朝踐饋獻之節。室中二

裸訖。王出迎牲時。祝延尸於戶外之西南面。后薦八豆

八簋。王牽牲入。以血毛告訖。以薦腥於神前。王以玉爵

酌醴齊以獻尸。后亦以玉爵酌醴齊以獻尸。朝踐訖。乃

以熟薦。王以玉爵酌盎齊以獻尸。后亦以玉爵酌盎齊

以獻尸。名爲饋獻。尸食後。王以玉爵酌朝踐之醴。齊以
醕尸。謂之朝獻。后亦以瑤爵酌饋獻之盎。齊以醕尸。謂
之再獻。

案獻之屬莫重於裸。故裸獻連言之。非裸與獻爲二也。

后亞裸用璋瓚。朝踐至醕尸。則用瑤爵。所以別於王之
玉爵也。賓獻者。其散爵與。注疏之說。以下經賓客之裸
獻瑤爵推之。而見其不然。祭統。君以玉爵獻卿。以瑤
爵獻大夫。以散爵獻士。不同者。此言正祭。彼言繹祭。禮
尚相變故也。不可以彼例此。

正后之服位而詔其禮樂之儀。

正義

鄭氏康成曰。位。謂房中戶內。及阼所立處。

賈疏。特牲禮。尸

酢主婦。主婦適房中。南面。祭酒。及主人致爵於主婦。亦於房中。南面。拜受爵。少牢禮。主婦入戶。西面獻尸。及賓尸。主婦獻尸。於主人席北。拜送爵。主人席北。即當阼階。故云。阼所立處。此皆約士大夫祭祀之禮而言也。薦徹之禮。當與樂相應。

賈疏。天子之禮。薦時歌清廟。及徹歌雍。是薦徹皆有樂節。九嬪職贊。

后薦徹豆簋。是后薦徹也。

通論

賈氏公彥曰。服若內司服。禕衣已下六服。正之。使

服當其用。

王氏昭禹曰。禮器曰。禮交動於上。樂交應

於下。詔其儀。告后以出入進止之節。使與禮樂相應也。

贊九嬪之禮事。

正義鄭氏康成曰。助九嬪贊后之事。九嬪贊后薦玉盥。

薦徹豆籩。

凡賓客之裸獻。瑤爵皆贊。

正義鄭氏康成曰。謂王同姓及二王之後。來朝覲。為賓

客者。賈疏。二王之後稱公。王同姓為侯伯。得與上公同

再裸。為子男則與異姓同一裸。無后裸也。大行人職。上公之禮再裸而酢。侯伯一裸而酢。子男一裸不酢。是上公王先一裸。次后再裸。裸之禮。亞王

而禮賓。

案此謂諸侯來朝而王饗之之禮。王饗賓則后有裸獻及瑤爵之禮。而內宰贊之也。大行人職所云再裸而酢一裸而酢一裸不酢者乃朝享後王以鬱鬯禮之之禮。與聘禮聘享後主國君以醴醴賓同。非謂饗也。后之禮。大宗伯攝之。賈氏特借彼以說此耳。

存異鄭氏康成曰。獻謂王饗燕。亞王獻賓也。瑤爵所以亞王酬賓也。賈氏公彥曰。饗禮在廟。亨犬牢以飲賓。

立而行禮。獻依命數爵盈而不飲。燕禮牲狗。一獻四舉。旅降脫屨。升坐。以醉爲度。饗燕后皆助王獻賓。酬賓內宰皆贊后也。

燕禮在寢。后不與。饗禮在廟。后亦無酬賓之理。卿大夫儉尸。主婦尚不酬賓。曾王朝賓客之禮而后酬賓乎。旣無酬。則瑤爵當用以獻。而裸獻之不分爲二決矣。酬則用觶。亦未聞其以瑤爵也。

致后之賓客之禮。

正義鄭氏康成曰。謂諸侯來朝觀。及女賓客。賈疏。女賓。謂畿內同

姓諸侯夫人。有會見王后之法。故亦致禮焉。

賈氏公彥曰。謂若酒正職。共

后之致飲于賓客之禮。

凡喪事。佐后使治外內命婦。正其服位。

正義鄭氏康成曰。內命婦。謂九嬪世婦女御。賈疏。不言夫人者。夫

人從后。不在治限。鄭司農云。外命婦。卿大夫之妻。某謂士妻亦

為命婦。賈疏。周之禮。上士三命。中士再命。下士一命。明士妻亦為命婦。賈氏公彥曰。

言凡。則王后世子以下皆是服位。服之精麤。位之前後。

國使治以下。卽佐后之事。使蓋使內小臣爲之。內小臣掌王后之命。正其服位。則以后命正諸命婦之服位。於事爲便也。康成謂使其屬之上士。未必然。喪服傳云。夫尊於朝。妻貴於室矣。言夫妻一體。貴賤同之。命其夫。則婦已在其中也。故云婦人無爵。從夫之爵。先鄭謂王命其夫。后命其婦。未必然。記曰。夫人之不命於天子。自魯昭公始也。然則夫人之爵命。蓋從夫而統於天子矣。

凡建國。佐后立市。設其次。置其敘。正其肆。陳其